



mjesečni Bilten

omladinska mreža bosne i hercegovine

mart
ožujak
2018.

226

Dragi prijatelji/ce,

Predstavljamo vam martovsko izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **184** organizacije i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u martu 2018.	2
Planovi za april 2018.	9
Aktivnosti članova mreže	10
Saopštenja/informacije/donatori/pozivi	27

Uživajte u čitanju!

AKTIVNOSTI ORC/HCA U MARTU 2018.

Kampanja DIVIDED PAST JOINT FUTURE



U sklopu projekta „Podijeljena prošlost – Zajednička budućnost“, kojeg realizira 19 organizacija u šest država zapadnog Balkana i Turskoj, tokom marta i aprila u Bosni i Hercegovini provodi se Nacionalna kampanja pod nazivom „Prihvatanje oštećenosti“.

Kampanja se realizira u nekoliko koraka. Prvi korak kampanje okupio je 25 mladih iz Tuzle, kroz edukativne i terenske aktivnosti na temu procesa pomirenja i omladinskog aktivizma u sferi mira u Bosni i Hercegovini.



Po završetku dvodnevni radionica, uslijedile su terenske aktivnosti koje su se ogledale u realizaciji „Flash moba“ na ulicama grada Tuzle, postavljanjem transparentata na Korzu i Plavom mostu, te smo, zajedno s Gradskom upravom Tuzle – Odjeljenjem za komunalne djelatnosti, zasadili drvo crvenog javora u Gradskom parku, nedaleko od Pravoslavne crkve. Isto tako, postavili smo/zasadili i vremensku kapsulu sa mirovnim porukama mladih.





Tokom uličnih performansa, u kojima je učestvovala većina učesnika radionica, na Korzu kod sata je bio postavljen štand na kojem su se građani mogli upoznati i uzeti kvalitativno istraživanje: „Proces pomirenja na zapadnom Balkanu i Turskoj“. Istraživanje je dostupno na ovom linku:

<http://jointfuture.org/wp-content/uploads/2017/12/Process-of-Reconciliation-Qualitative-study.pdf>



Projekat „Podijeljena prošlost – Zajednička budućnost“ finansijski je podržala Evropska unija.

Youth work in progress

U Ulcinju je od 18. – 24. marta održan trening seminar pod nazivom „Logging in“, u sklopu projekta „Youth work in progress“ čiji je nosilac Mreža mladih jugoistočne Evrope (SEEYN).



Trening seminar „Logging in“ se realizuje za omladinske radnike i aktiviste iz Srbije, BiH, Slovenije, Turske, Crne Gore, Albanije, Crne Gore, Bugarske, Italije, Makedonije, Hrvatske, Grčke i Litvanije.

Cilj projekta, koji se realizuje pod pokroviteljstvom Evropske Komisije kroz program Erasmus+, KA2- izgradnja kapaciteta u oblasti mladih, jeste jačanje kompetencija omladinskih radnika i aktivista u oblasti digitalnog omladinskog rada, kreiranje online alata i metoda za neformalno učenje, razmjena iskustva za digitalne alate u omladinskom radu, kao i kreiranje kurseva, poštujući principe neformalnog obrazovanja, na online platformi Moodle.

Organizator treninga seminara je organizacija iz Crne Gore „Asocijacija za Demokratski Prosperitet ZID“

Predstavnici Omladinskog Resursnog Centra Tuzla i Omladinske grupe Omladinskog resursnog centra bili su Slobodan Blagovčanin i Emir Karamujić.



Youth Workers countering violent extremism

U Brčkom je od 24 do 25. Marta održan drugi modul u sklopu projekta „Youth workers countering violent extremism“, koji sprovodi organizacija PRONI, uz podršku ambasade Sjedinjenih Američkih Država u Bosni i Hercegovini.



Na treningu je učestvovalo preko 30 mladih sa prostora Sjeveroistočne Bosne. Trening su vodili Miralem Tursinović (Omladinski resursni centar Tuzla) i Jasmin Jašarević (Proni Brčko).

Ispred Omladinskog resursnog centra Tuzla treningu su prisustvovali: Amila Selimbašić, Mirela Biković, Emir Mujakić, Merita Sokoli, Slobodan Blagovčanin, Nela Ibraković, i Adi Selman.

Projekat Youth workers countering violent extremism za cilj ima obučiti mlade osobe za borbu protiv terorizma i radikalnog ekstremizma, koje je kao pojava sve prisutnije u zemlji i svijetu. Treći modul će se održati sredinom godine u Brčkom.

Okrugli sto: „Sport i inkluzija Roma“

28.marta u Bukureštu su se sastale organizacije oko FARE mreže koja se bori za sportske terene bez diskriminacije, rasizma i govora mržnje. Okrugli sto je bio na temu: „Sport i inkluzija Roma“, a okupio je 24 učesnika iz preko 15 zemalja uključenih u programske aktivnosti FARE mreže. Predstavnik Omladinskog resursnog centra Tuzla bio je Slobodan Blagovčanin.



Omladinska grupa ORC Tuzla

Intercultural Dialogue through Creative Writing



Intercultural Dialogue through Creative writing je radionica koja se održala u Birminghamu, UK, u periodu od 1. do 9. marta. Na radionici su prisustvovala po 3 osobe iz 12 različitih država, među kojima su bile Portugal, Španija, Turska, Crna Gora, i naravno Bosna i Hercegovina. Cilj radionice bio je da učesnici počnu koristiti kreativno pisanje kako bi izrazili svoja mišljenja, ali i za međunarodnu komunikaciju, te, naravno, da to znanje prenesu mladima iz svojih država. Između ostalog, učesnici su dobili priliku da organizuju svoje mini-radionice. Radionica je uspješno organizovana, i

učesnici su se vratili kućama sa puno znanja i iskustva. Na radionici je učešće uzeo novi član Omladinske grupe Omladinskog resursnog centra Mario Mrkić.

Podrška mladima sa iskustvom vršnjačkog nasilja u mladalačkim vezama

10. marta je održana pričaonica za mlade iz Lukavca, uključene u projekat „Podrška mladima sa iskustvom vršnjačkog nasilja u mladalačkim vezama“. Pričaonicu je držala jedna od članica Omladinske grupe Omladinskog resursnog centra, Samira Aličić, zajedno sa kolegom iz Fondacije tuzlanske zajednice, te stručnom saradnicom Larisom Buševac.

Pričaonica je održana u prostorijama Doma kulture u Lukavcu, a prisustvovalo joj je 8 učesnika/ca.

Radionica je počela u 13:30 h u Domu kulture. Na samom početku smo zajedno odredili pravila ponašanja tokom radionice. Zatim je slijedilo upoznavanje kroz interesantnu vježbu, na kojoj su učesnici imali priliku da pričaju o svojim slabostima i onime što ih čini jakim i prepoznatljivim. Grupa je bila otvorena, komunikativna i spremna na saradnju.



Svi su imali priliku da iznesu svoje mišljenje, te su komunicirali i saradivali u grupnom radu.

Na pričaonici su učesnici odradili i simulaciju nasilja, fizičkog i psihičkog, gdje su akteri bili sami učesnici pričaonice.

Tokom radionice, niko nije bio izostavljen. Na kraju su svi u „tajnu kutiju“ stavili papire sa anonimnim pitanjima, te su dobili zadatak da za sljedeću radionicu napišu svoj subjektivni

doživljaj i emocije koje su se javljale tokom pričaonice.

Konflikt transformacija novog doba

U Vršcu je od 21. do 28. Februara održan trening za trenere pod nazivom „Konflikt transformacija novog doba“



Trening za trenere „Konflikt transformacija novog doba“ je trening za trenere, koji se realizuje za omladinske radnike i aktiviste iz Srbije, BiH, Slovenije, Turske, Kosova, Rumunije i Belgije. Cilj projekta, koji se realizuje pod pokroviteljstvom Evropske Komisije kroz program Erasmus+, KA2 - izgradnja kapaciteta u oblasti mladih, jeste jačanje trenerskih kompetencija omladinskih radnika i aktivista, kreiranje digitalnih i online alata za konflikt transformaciju i planiranje baze trenera (PoT) za buduće konflikt transformatore. Organizator treninga za trenere je organizacija iz Srbije „Balkan Urban Movement“. Predstavnik Omladinske grupe

Omladinskog Resursnog Centra Tuzla bio je Emir Karamujić.

UMiD modul II

Uči, misli i djeluj (UMiD) je jednogodišnja obuka koju organizuje Institut za razvoj mladih KULT, Sarajevo. U periodu od 16. do 18. marta održan je drugi, od ukupno deset modula. Tema modula je bila: Građanski aktivizam i volontiranje.



Trening o građanskom aktivizmu i volontiranju želi upoznati mlade sa volontiranjem i omladinskim aktivizmom, te ih animirati da se aktivno uključe u procese u svojoj zajednici. Polaznici se osposobljavaju da animiraju svoje vršnjake, te da se neformalno obrazuju o temama koje će im omogućiti da budu aktivni građani. Modulu je prisustvovalo 23 učesnika iz različitih gradova BiH, od čega su 3 učesnika članovi Omladinske grupe Omladinskog resursnog centra Tuzla; Samira Aličić, Mario Mrkić i Merima Čokić.

Osmijeh za osmijeh



31. marta održana je radionica za djecu iz 8 osnovnih škola (sekcija) na području grada Tuzle i članove Omladinskog kluba organizacije za djecu i mlade Osmijeh za Osmijeh.

Tema radionice je bila „Skupština“, cilj je bio upoznati djecu i mlade sa pojmom skupština, o demokratskom procesu donošenja odluka, načinu glasanja i načinu izbora. Predstavljeni su: dnevni red, prijedlog upravnog odbora organizacije, godišnji medijski izvještaj za period 2017. godine. Radionica se izvodila u prostoru za mlade (prostorija organizacije), Dom mladih Tuzla. U aktivnosti je učestvovalo 32 djece i 3 člana Omladinskog kluba. Radionica je trajala 90

minuta, a nakon radionice djeca i mladi su prisustvovali VII redovnoj sjednici Skupštine organizacije za djecu i mlade Osmijeh za Osmijeh. Radionicu je vodila volonterka organizacije Osmijeh za Osmijeh, Aldžić Emina (član omladinske grupe Omladinskog resursnog centra).

Kreativno izražavanje slikanjem



U mjesecu martu nastavljen je treći modul psihoedukativne radionice "Kreativno izražavanje slikanjem", koju je organiziralo udruženje Amica Educa.

Kreativno izražavanje slikanjem je tehnika koja se koristi za izražavanje vlastitih osjećaja, unutarnjih slika, stanja, ali i izražavanje događaja o kojima osoba još uvijek nije spremna da priča.

Važnost slike koja nastaje ogleda se u njoj emocionalnoj, a nikako estetskoj vrijednosti.

Tokom ovog modela stavljen je akcenat na prošlost, sadašnjost i budućnost. Cilj radionice jeste prisjetiti se prošlosti, prihvatiti i živjeti u sadašnjosti, te osmisliti lijepu budućnost i uploviti u nju, a samim tim i razvoj vlastite ličnosti. Radionica je sprovedena 26.3, 27.3 i 28.3 u trajanju od 4 h.

Predstavljanje i tumačenje unutarnjih slika, koje su nastale u ateljeu udruženja, realiziralo se tokom tri dana. Prvi dan učesnici su se prisjećali svoje prošlosti. Šta je to najljepše što mogu uzeti iz nje, kakve slike se redaju i čega se prisjećaju. Drugi dan učesnici su živjeli u sadašnjem trenutku. Šta je to što im daje snagu, za šta se drže i čime se vode.



Treći dan učesnici su zamišljali budućnost. Ka čemu idu, ko je uz njih, kako žive i šta rade. Na kraju trećeg modula uručeni su certifikati.

Iako je psihoedukativna radionica namjenjena svim ljudima koji žele da rade na jačanju sebe i svojih vlastitih kompetencija, članovi grupe u kojoj sam bila su studenti Edukacijsko-rehabilitacijskog fakulteta. Učešće na radionici uzele su učešće i članice Omladinske grupe Omladinskog resursnog centra Tuzla, Nerma Sinančević i Jasmina Velić.

Alternativna urbanizacija

U subotu, 24. marta, održana je interaktivna radionica „Alternativna urbanizacija“ u organizaciji omladinskog pokreta „Revolt“, u čijim prostorijama se dešavala aktivnost. Radionica je održana s ciljem naglašavanja važnosti alternativne urbanizacije, ali i dijaloga i suradnje sa mladima iz cijele Bosne i Hercegovine, koji bi umrežavanjem doprinijeli zajednici u kojoj žive.

Nakon upoznavanja uslijedilo je predstavljanje Cooperation and Development Network



Eastern Europe, i radne grupe Alternative Urbanisation, IC Lotos, te Dobrih Kota. Odgledan je film *Urbanised*, te je uslijedila diskusija o filmu i značaju alternativne urbanizacije, sa akcentom na dosadašnjem djelovanju mladih (pojedinaца) i omladinskih organizacija.

Kao nastavak aktivnosti, 25. marta, organiziran je *Buvljak bez novca*. Učešće na radionici uzele su i članice Omladinske grupe Omladinskog resursnog centra Tuzla, Nerma Sinančević, Jasmina Velić i Samira Aličić

Pod lupom



U okviru projekta "Pod lupom", finansijski podržanog od strane Evropske unije i Američka agencija za međunarodni razvoj (USAID), Emir Mujakić, Amila Selimbašić, Mirela Bikovic, Emir Karamujić i Nerma Sinančević, članovi Omladinske grupe Omladinskog resursnog centra Tuzla, učestvovali su u izgradnji baze podataka članova biračkih odbora na državnom nivou, sa ciljem unapređenja izborne kulture i procesa u BiH.

Sastanak Omladinske grupe Omladinskog resursnog centra Tuzla

27.03.2018 godine održan je sastanak Omladinske grupe Omladinskog resursnog centra. Na sastanku je članovima grupe predstavljen pilot projekat Omladinskog resursnog centra i Eko Sol Tuzla.

Druga tačka dnevnog reda bila je interaktivna radionica koju bi sa grupom radila Amra Delimerović. Radionica bi trajala 2 sata i obuhvatala bi par psiholoških vježbi. Teme radionica su: cjelovitost, krofna i otpuštanje. Članovi grupe u narednom periodu planiraju napisati i implementirati projekat na temu nasilja na internetu.



REDOVNE AKTIVNOSTI ORC I HCA TUZLA

Tokom marta radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i

pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA APRIL 2018.

Okrugli sto u sklopu projekta „Divided past – Joint future“



U okviru projekta "Divided Past - Joint future", u Poslovnom centru Networks u Sarajevu, 9. Aprila će se održati okrugli sto: "Prihvatanje oštećenosti", kao dio istoimene kampanje koju ORC Tuzla realizuje u Bosni i Hercegovini.

Okrugli sto će okupiti predstavnike privrednog i civilnog sektora, vlasti i medija, kako bi se informisali o samom projektu, ali i o kvalitativnom istraživanju "Procesi pomirenja na Zapadnom balkanu i Turskoj.

Nastavak aktivnosti u sklopu projekta „Youth for better future“

U mjesecu aprilu, u sklopu projekta „Youth for better future“ u Vitezu je planirana realizacija treninga „Forum teatar“. Trening će se realizovati u periodu od 24-28. Aprila za najaktivnije učesnike prethodnih radionica održanih u Tuzli, Brčkom, Doboju i Vitezu. Teme prethodnih radionica u već pomenutim gradovima bile su: identitet, diskriminacija, stereotipi i predrasude. Na ovom treningu sa učesnicima je planirano raditi kroz tehniku Forum teatra, koji se smatra odličnim sredstvom za transformaciju društva. Forum teatar pomaže mladima da sami grade svoju bolju budućnost, a ne da pasivno čekaju da se promjene same dogode.

AKTIVNOSTI ČLANICA OMLADINSKE MREŽE BiH



Udruženje studenata medicine u BiH
BoHeMSA LC Tuzla

Univerzitetska 1, 75000 Tuzla
Tel. +387 61 820 292
E-mail: bohemsalctuzla@gmail.com
President.tuzla@bohemsal.org

Edukacija o važnosti vakcinacije



„Zdravlje i vakcinacija“ je projekat Udruženja studenata medicine u Bosni i Hercegovini, lokalni komitet Tuzla (BoHeMSA LC Tuzla) koji će se implementirati po prvi put ove godine u zadnjoj sedmici mjeseca aprila u sklopu globalne sedmice imunizacije.

Zbog problema povećanog broja nevakcinisane djece, koji se javio kao posljedica loše informiranosti i manjka edukacije roditelja o značaju vakcinacije i opasnostima nevakcinisanja, pokrenuta je ideja ovoga projekta.

Jedan od glavnih zadataka svakog zdravstvenog radnika i studenta jeste konstantno učenje i usavršavanje u svim oblastima, naročito kada je u pitanju tematika vakcinisanja. S obzirom da se danas o ovoj temi priča iz različitih izvora, izvora koji ne prate osnovni postulat akademske i zdravstvene zajednice („medicina zasnovana na dokazima“) vrlo je bitno znati gdje tražiti kvalitetne i provjerene izvore informacija.

Jedna od projektnih aktivnosti je uključivala i edukaciju za studente (bio)medicinskih nauka koja se održala u toku prethodnog vikenda (16.-17.03.) iz oblasti kao što su: imunologija, infektologija, mikrobiologija, pedijatrija i epidemiologija. Edukaciju su održali prof.dr.med.sci. Fahrija Skokić, prof.dr.med.sci. Fatima Numanović, prof.dr.med.sci. Sead Ahmetagić, prof.dr.med.sci. Nijaz Tihić i mr.med.sci.dr. Blaško Topalović. U okviru edukacije se razgovaralo o različitim činjenicama, kontroverzama i zabludama kada su u pitanju vakcine i njihova uloga u očuvanju zdravlja.



Edukacija je certificirana od strane Ljekarske komore Tuzlanskog kantona, te je održana na Medicinskom fakultetu Tuzla gdje je istoj prisustvovalo 110 studenata. Ovo je samo jedna od pripremnih aktivnosti koja slijedi prije same Sedmice imunizacije, kao što je i anketiranje stanovništva na području pet opština Tuzlanskog kantona, te sakupljanje informacija o njihovim spoznajama i stavovima na temu vakcinisanja. Druge uključuju i organizovanje takmičenja za srednjoškolce iz oblasti imunizacije, sprovođenje promotivnih manifestacija na otvorenom, organizovanje panel diskusije i brojne druge aktivnosti koje slijede krajem aprila.



PRONI Centar za omladinski razvoj

Ul. Mehmedagića 24, 76100 Brčko distrikt BiH
Tel./Fax: +387 49 217 695
E-mail: pronibrbc@teol.net
www.pronibrcko.ba

U Brčkom održana Osnivačka skupština Vijeća/Savjeta mladih



29. marta održana je Osnivačka skupština Vijeća/Savjeta mladih Brčko distrikta BiH. Mjesto održavanja je bilo Omladinski centar, gdje je učestvovalo 7 organizacija koje djeluju u Brčkom.

PRONI Centar daje podršku Zakonu o mladima Brčko distrikta BiH i formiranju Vijeća/Savjeta mladih Brčko distrikta BiH.

Youth Workers Countering the Violent Extremism

Od 24. Do 25. marta, u Brčkom, hotel Jelena, je održan drugi dio treninga „Omladinski radnici u borbi protiv nasilnog ekstremizma“. Treningu je prisustvovalo 27 mladih ljudi iz 5 omladinskih organizacija, sa područja Brčkog, Tuzle i Bijeljine. Teme koje smo obrađivali su Digitalni omladinski rad i mapiranje lokalnih zajednica u cilju sprečavanja nasilnog ekstremizma u digitalnom i stvarnom svijetu.



“Mladi otkrivaju Erasmus +” u Estoniji

PROJEKAT LAB „Youth discovering Erasmus +“ je osmišljen i realizovan od strane SA Archimedes noorteagentuur organizacije iz Estonije, čija je treća edicija naziva: PROJECT LAB III, realizovana u Talinu od 12. do 16. Marta, kroz treninge namijenjene mladima iz nekoliko evropskih država.

Među 44 učesnika iz različitih organizacija iz Estonije, Portugala, Slovenije, Rumunije, Irske i Albanije našla se i predstavnik PRONI Centra za omladinski razvoj Arnela Podbićanin, kao i član Omladinskog kluba Omerbegovača Harun Šabanović, volonterka zeničkog INPUT Centra za mlade Nizama Perenda, te Milenko Kojić ispred Opštine Ugljevik.

Cilj ovog projekta je povećanje učešća mladih i organizacija u Erasmus+Youth in Action programu, te ohrabivanje i podrška za stratešku upotrebu Erasmus+ projekta, kao sredstva za inkluziju i povećanje kapaciteta organizacija, kao i omogućavanje saradnje omladinskih radnika na internacionalnom nivou, s ciljem pronalaska projektnih partnera u organizacijama širom Evrope. Ovaj trening poslužio je kao prilika

za omladinske radnike i mlade lidere da nekoliko dana aktivno sarađuju i rade na poboljšanju svog znanja, vještina i stavova.



Kroz tri radna dana treninga, nekoliko desetina omladinskih radnika iz sedam evropskih zemalja, imalo je priliku predstaviti organizacije iz kojih dolaze, te razmijeniti iskustva rada na projektima sa predstavnicima drugih organizacija. Nakon predstavljanja učesnika i detaljnog upoznavanja sa pravilima i mogućnostima Erasmus+ programa, učesnicima je data mogućnost samostalnog osmišljavanja projekata i pronalaska partnera za realizaciju istog.

PRONI Centar za omladinski razvoj ostvario je saradnju sa organizacijama iz Albanije, Portugala i Slovenije, radeći na projektu čijoj se realizaciji i implementaciji nadaju već do kraja tekuće godine. U fokusu projekta, kao i većine projekata osmišljenih tokom trajanja treninga, su mladi sa smanjenim mogućnostima.

Učesnici iz Bosne i Hercegovine su ovaj trening iskoristili kao priliku za upoznavanje omladinskih radnika iz različitih dijelova Evrope, s ciljem sklapanja partnerstava, kao i priliku za učenje od iskusnog tima internacionalnih trenera, a svoje znanje će moći primijeniti za osmišljavanje budućih projekata, kao i u daljem radu sa mladima.

“Move On Seminar” – Iskustva volontera

Volonteri PRONI Centra za omladinski razvoj, htjeli su da promijene stvari u svojoj lokalnoj zajednici, što je uključivalo aktiviranje Omladinskog kluba u Grčici. Prepoznali su SHL-ov poziv na “Move On Seminar” kako bi unaprijedili svoje vještine i znanja, i posvetili se planiranju konkretnih aktivnosti i po mogućnosti dobili materijalnu podršku.

Njihova ideja je prošla u top 5 ideja od 140 aplikacija i proveli su tri dana u Sarajevu na daljem usavršavanju i unapređivanju te ideje.

1. Motivisati mlade da se više druže uživo. Pokazati kako društvene mreže mogu da upotrebljavaju u svrhu aktivizma (Jer mi živimo u 21 vijeku, internet je postao sastavni dio naših života).

2. Takođe da kroz sastajanje u Omladinskom Klubu nauče više o sebi, da mladi počnu obraćati pažnju na stereotipe, predrasude, diskriminaciju, konflikte, jer to su “tabu” teme sa kojim mladi nemaju dodira u školama.

3. Učenjem o temama koje su navedene u prethodnoj rečenici mladi bi se više obrazovali.

4. Osnažiti mlade i postići da preuzmu odgovornost za svoje postupke, izbore, život.

5. Razviti vješte i znanja mladih ljudi, koja su potrebna da ispune svoje pune potencijale.

Naš osnovni cilj je da aktiviramo Omladinski Klub u Grčici. Smatramo da je Grčica naselje kojem je potreban Omladinski Klub s obzirom da posjeduje 10.000 stanovnika.



RYCO - Makedonija

PRONI Centar za omladinski razvoj je od 20.-22.03.2018. učestvovao na događaju koji je definisao strateške prioritete Regionalne kancelarije za saradnju mladih na Zapadnom Balkanu (RYCO) za period 2018-2020.

Na “RYCO Strateškom dijalogu” u Skoplju učestvovalo je preko stotinu predstavnika organizacija civilnog društva, obrazovnog sistema, predstavnika međunarodnih organizacija i predstavnika vlasti.

Teme pomirenja, saradnje, omladinskog rada, interkulturnog učenja, omladinskih razmjena i mnoge druge teme od interesa za mlade su diskutovane tokom događaja.





Međunarodni centar za djecu i omladinu FORTIS

Ul. Suljo Čilić bb, 88420 Jablanica
Tel./fax: +387 63 334 993, +387 61 327 427
E-mail: centarfortis@yahoo.com
Web: www.centar-fortis.org

Omladinski susreti kroz klasičnu muziku



U fokusu samog projekta bila je promocija kulture i kulturnih dešavanja u lokalnim zajednicama, kao i kvalitetno provođenje slobodnog vremena. Kroz set aktivnosti muzičkih radionica, pijanist Bartolomej Stanković iz Visokog priredio je izvanredan nastup kroz Priče o baroknoj i klasičnoj muzici. Slušaoci su mogli čuti djela: Georga Friedrich Händela, Johanna Sebastiana Bacha, Domenica Scarlattija, Josepha Haydna, Wolfganga Amadeusa Mozarta, Ludwiga Van Beethovena.

Susretima su povezana dva kantona: Hercegovačko-neretvanski kanton i Zapadnohercegovački kanton, zatim Općina

Jablanica i Grad Ljubuški i dvije ustanove: Osnovna glazbena škola Ljubuški sa Centrom „Fortis“ iz Jablanice.

Samo učešće mladih je jedan od 11 indikatora Vijeća Evrope po kojima se procjenjuje stepen razvoja državnih politika prema mladima i povezano je s mobilnošću mladih u smislu da su aktivni mladi češći korisnici različitih programa razmjene. Kroz mobilnost se stiču iskustva iz prakse koja mladi mogu koristiti kao primjere dobre prakse u lokalnoj zajednici.

Ovo je također jedan jedinstven projekat koji zajedno sa klasičnom muzikom, kao najvećim stepenom muzike, muzičkim radionicama, zajedničkim koncertima, može uticati na kulturni nivo građana.



Susreti su održani u novoizgrađenim prostorijama Osnovne glazbene škole Ljubuški, a učesnici su uz poziv ravnateljice gospođe Ivane Šaravanje zajedno obišli Džamiju na Gožulju u Gornjem gradu u Ljubuškom, gdje je glavni imam Medžlisa Islamske zajednice Ljubuški, ef. hadži Šemso Germić, prisutne upoznao o historiji džamije, osnovama i principima islama, sličnostima i razlikama sa drugim religijama, a nakon čega su se susreti nastavili u opuštenijoj atmosferi u čajdžinici, gdje su razmijenjena mišljenja pripadnika tri religije. Zadovoljstvo glavnog imama moglo se vidjeti obzirom da su prisutni bili prvi multinacionalni posjetioci čajdžinice i džamije.

Prošli susreti u Ljubuškom obuhvatili su obilazak Franjevačkog samostana svetog Ante Padovanskog na Humcu, Muzeja na Humcu i vodopada „Kravice“.

Projekat je realizovan od strane Međunarodnog centra za djecu i omladinu "Fortis" iz Jablanice uz finansijsku podršku Federalnog ministarstva kulture i sporta/športa i Vijeća mladih općine Jablanica.



Udruženje „Volonteri i prijatelji Konjičke regije“ Konjic

Ul. Civilnih žrtava rata 3, 88400 Konjic

Tel.: +387 61 610 127

E-mail: vipkkonjic@gmail.com

Web : www.vipk.info

Facebook: www.facebook.com/groups/220690771277915/

Nastavlja se borba za bolji grad!

Članstvo nevladine organizacije “Volonteri i prijatelji konjičke regije” (VIPK) u subotu, 11. Marta, na održanoj 4. redovnoj Izvještajno-izbornoj skupštini izabralo je ponovo Adisa Muhibića, konjičkog aktivistu i neumoljivog borca za ljudska prava za predsjednika Upravnog odbora (UO) VIPK-a, dok je za njegovu zamjenicu izabrana Semira Jabličić, odlična učenica Srednje medicinske škole Konjic.

Agilni Mustafa Kurtić, novi je predsjednik Skupštine VIPK-a, a omiljena volonterka, Elvira Ćosić, zamjenica predsjednika Skupštine.

Novi sastav UO čine volonterke Muamera Tabak, Zuhra Omerović i Sanela Muhibić.



Za mandatni period 2018.-2022. godine u novi sastav Skupštine VIPK-a izabrani su: Almedina Kašić, Mirsad Čukle, Endi Omeragić, Ramiza Tabak, Elvira Salčin, Adna Maksumić, Irma Kurtić, Muamer Lavić i Samira Sultanić.

Članovi su usvojili Godišnji i Finansijski izvještaj za 2017. godinu te su iz razloga veće operativnosti i ekonomičnosti rada, usvojili određene Izmjene i dopune Statuta koje se ogledaju i u smanjenju broj delegata sa 17 na 11 članova Skupštine.

Nakon proglašenja rezultata glasanja, Muhibić se zahvalio na podršci i iskazao uvjerenje, da udruženje ima izvanredan leaderski potencijal kojim preko deset godina vrši pozitivan uticaj na odgovornije ponašanje lokalne vlasti i okuplja sve veći broj mladih Konjičanki i Konjičana u akcijama za dobrobit zajednice. Naglasio je, da takvi planiraju ostati i dalje, jer se borba za bolji Konjic nastavlja.

Odlukom Skupštine, a na prijedlog Upravnog odbora dodjeljene su zahvalnice za uspješno vodstvo udruženja Elviri Ćosić i Almedini Kašić.

Ova vrijedna konjička raja različitih nacija i generacija koja broji 50 članica i članova iskazuje godinama svoj društveni angažman, altruizam i nesebičnost u pomaganju ljudima u rješavanju brojnih problema koji tište malog čovjeka u Konjicu. Kao takvi, osvojili su brojna društvena priznanja, a Konjičani sa velikim simpatijama podržavaju ovu nevladinu organizaciju čiji aktivisti predstavljaju svjetli primjer nove generacije mladih ljudi Konjica.", objavio je portal Novikonjic.ba.

Konjičani obilježili 3. mart - Dan oslobođenja Konjica od fašizma

Prigodnim aktivnostima Konjičani su obilježili 3. mart - Dan oslobođenja Konjica od fašizma. Brojne delegacije udruženja antifašista iz Konjica, Hadžića, Ilidže, Vogošće, Starog Grada Sarajevo, Novog Grada Sarajevo, Ilijaša, Breze, Olova uz podršku OO SDP Konjic, Odreda izviđača "Neretva" i NVO "Volonteri i prijatelji konjičke regije" (VIPK), položile su cvijeće i vijence na Spomen-kosturnicu i odale počast poginulim borcima NOR-a 1941.-1945. godina. Delegacija VIPK-a polaganjem cvijeća, učenjem Fatihe i minutom šutnje odala je počast i šehidima i poginulim borcima na Spomen obilježju u centru Konjica. Centralna manifestacije obilježavanja 73. godišnjice počela je polaganjem cvijeća i odavanjem počasti poginulim borcima NOR-a na partizansko-romskom groblju u Podorašcu, a zatim se nastavila na Spomen-kosturnici na Musali u Konjicu, gdje je sahranjeno 80 boraca iz Konjica, te borci 29. Hercegovačke divizije i 310 boraca iz svih krajeva Jugoslavije. Tekovine iz NOR-a '41.-'45. godine ne smiju se zaboraviti, kao ni tekovine odbrambeno-oslobodilačke borbe iz 1992.-1995. godine. Ovaj dan sve nas treba potaknuti na izgradnji mira i stabilnosti za buduće generacije, jer Konjic, kao i cijela Bosna i Hercegovina je zajednica ljudi različitih vjera, nacija, političkih i svih drugih opredjeljenja i svi mi zajedno moramo gledati u budućnost. Trenutno stanje duha građana i odnosi među narodima zahtjevaju punu odgovornost i apsolutno učešće svih u tom procesu. U tom pravcu treba podržati omasovljenje i podmlađivanje članstva Udruženja antifašista u Konjicu, kako bi se aktivnosti udruženja podigle na još veći nivo i mladi naraštaji učili istinskim životnim vrijednostima i herojstvu ljudi koji su dali svoje živote za našu domovinu. Njihova žrtva ne smije nikada biti zaboravljena.", saopćeno je iz VIPK-a.

Volonteri, Civilna zaštita i policija pomagali u zbrinjavanju putnika sa Ivan-Sedla

Konjički volonteri iz VIPK-a, Civilna zaštita općine Konjic, Gorska služba spašavanja i mostarski volonteri iz Udruženja "Zajedno za naš grad" bili su uključeni u podjeli lanč paketa i zbrinjavanju putnika koji su se zadesili u koloni automobila na magistralnoj cesti M17 na planinskom prevoju Ivan-Sedlo, na području općine Konjic.

"Želim se zahvaliti i FUP-u na podršci. Našli smo kompromis sa borcima, deblokirat ćemo put bez sile.", kazao je načelnik PU Konjic za N1, te dodao, da je postignut dogovor uz razumijevanje cijeneći demonstrante.

"U našem gradu postoje plemeniti ljudi, građani, istinske patriote, uvijek spremni pomoći onima koje nevolja pritišće i to su i sinoć dokazali. Mene je lično impresionirala i brza reakcija nadležnih iz općinske Službe civilne zaštite, a pohvaljujemo i prijatelje iz GSS Konjic na koje se građani u potpunosti mogu osloniti za podršku i pomoć.", kratko je izjavio za portal Novikonjic.ba, Adis Muhibić, predsjednik konjičkih volontera.



Institut za
razvoj mladih KULT



Ul. 4. Viteške brigade
34 – 36 BA, 71210 Ilidža,
Sarajevo

Tel: +387 33 778 778.

Fax: +387 33 778 79

E-mail: kult@mladi.org,

web: www.mladi.org

KS po prvi put dobija Strategiju prema mladima

Nacrt Strategije prema mladima u Kantonu Sarajevo usvojen je na sjednici Skupštine Kantona Sarajevo, 5. marta 2018. godine. Usvajanjem dokumenta iskazana je spremnost na sistemski rad na poboljšanju položaja mladih, a ovakav Nacrt kreiran je po prvi put u ovom kantonu. Nacrt Strategije kreiralo je Ministarstvo za obrazovanje, nauku i mlade KS uz podršku predstavnika/ca svih resornih ministarstava, skupštinskih tijela, Grada Sarajeva, Studentskog parlamenta UNSA, Asocijacije srednjoškolaca BiH i Vijeća mladih KS, te na razmatranje uputilo Vladi.



Nakon usvajanja Nacrta Strategije slijede javne rasprave u općinama i kantonalnim organima. Usvajanje Strategije prema mladima značit će početak sistemskog uređenja oblasti koje se tiču mladih, a koji će uz akcione planove pružiti mogućnost mladima Kantona Sarajevo da kroz poboljšane institucionalne mehanizme ostvare svoja prava.

Proces izrade Strategije prema mladima koordiniralo je Ministarstvo za obrazovanje, nauku i mlade Kantona Sarajevo. Institut za razvoj mladih KULT je stručno-savjetodavna podrška Ministarstvu za obrazovanje, nauku i mlade Kantona Sarajevo za pružanje podrške u procesu izrade Strategije prema mladima Kantona Sarajevo.

USK dobio Strategiju prema mladima

Skupština Unsko-sanskog kantona na sjednici održanoj 5. marta 2018. godine usvojila je Prijedlog Strategije prema mladima 2018-2022.

Riječ je o dokumentu koji nudi sistemski pristup mladima i u fokus stavlja njihove potrebe kroz sedam ključnih oblasti: obrazovanje, zapošljavanje, zdravstvo, slobodno vrijeme, sigurnost, mobilnost i oblast socijalne zaštite.

Po usvajanju dokumenta uslijedit će kreiranje akcionih planova provedbe u svim ministarstvima Vlade USK.

Institut za razvoj mladih KULT bio je stručno-savjetodavna podrška u procesu izrade Strategije prema mladima Unsko-sanskog kantona.

! Mladi u fokusu Biznis foruma u Bihaću

„Činjenica da 88% mladih iz Unsko-sanskog kantona želi otići, jasan je indikator da im u ovoj zemlji nije dobro“ – poručio je Jasmin Bešić, izvršni direktor Instituta za razvoj mladih KULT sa Biznis foruma „Rasterećenjem privrede do novih radnih mjesta“ koji je 7. marta 2018. godine održan u Bihaću.

Kako je istaknuto tokom foruma, upravo se kroz jačanje privrede, kreiranje olakšica za pokretanje vlastitog biznisa i ukidanjem brojnih nameta koji otežavaju poslovanje bh. privrednika, mogu zadržati mladi u ovoj zemlji.



„Država i privreda ne mogu bez mladih jer oni pune budžete i grade državu, stoga moramo uložiti sve napore kako bismo im olakšali u zapošljavanju, pokretanju vlastitih biznisa i kreirali ambijent u kojem žele ostati. Odlazak mladih nije problem, to je posljedica problema koji se godinama gomilaju.“ – istakao je Jasmin Bešić, izvršni direktor Instituta za razvoj mladih KULT.

Tokom foruma o teretima koji ograničavaju rast i razvoj privrede u Federaciji BiH, sa fokusom na Unsko-

sanski kanton, mogućnostima za njihovo prevazilaženje, inicijativama i aktivnostima koje se provode u svrhu ekonomskih reformi, govorili su privrednici, predstavnici iz vladinog, nevladinog i akademskog sektora, te mladi iz ovog kantona.

Govorilo se i o programima i mjerama poticaja zapošljavanju i samozapošljavanju, posebno mladih, te prilikama i preprekama za pokretanje biznisa, a predstavljeni su i rezultati istraživanja dodjele budžetskih poticaja privredi u periodu 2012-2015., te inicijativa bh. privrednika za plaćanje PDV-a državi po naplaćenim, umjesto izdatim računima.

„Unsko-sanski kanton ulaže izuzetne napore kako bi se povećala zaposlenost i poboljšao standard života građana, naročito mladih. Realizovano je niz mjera, usvojena Strategija prema mladima USK, a spremni smo poduzeti i niz koraka koji će zaustaviti odlazak mladih, što je i gorući problem, ne samo u ovom kantonu, već u cijeloj Bosni i Hercegovini.“ – poručio je Husein Rošić, premijer Vlade USK.

U okviru foruma predstavljeni su i primjeri dobre prakse mladih ljudi koji su pokrenuli i vode vlastite biznise, ali i govorilo se o problemima koji se trebaju prevazići kako bi im se osiguralo bolje poslovanje.

„Biznis jesam pokrenuo i borim se da opstane. Razočaran sam da niti ja, niti drugi mladi preduzetnici nemaju podršku države i sistema. Ne očekujemo novčanu podršku, ali ne mogu da ne istaknem da nemamo ni savjetodavnu, ali ni olakšice pri samom osnivanju biznisa.“ – istakao je Elvedin Velić, osnivač preduzeća Agro Velić d.o.o. iz Velike Kladuše.

Biznis forum posvećen je privrednicima i privredi, a organizuju ga Institut za razvoj mladih KULT i Ministarstvo privrede Unsko-sanskog kantona.

Biznis forum se organizira u okviru inicijative „Poslovni prostor BH“ koju Institut za razvoj mladih KULT od 2014. godine provodi u okviru Projekta održivosti civilnog društva u Bosni i Hercegovini (CSPP), koji realizuju Centri civilnih inicijativa (CCI) i Centar za promociju civilnog društva (CPCD), a koji je podržan od Američke agencije za međunarodni razvoj (USAID).

Biznis forumi ranije su organizovani u Tešnju, Bijeljini, Neumu i Tuzli.

Mladi znaju zašto žele volontirati!

Građanski aktivizam i volonterstvo bila je tema drugog modula Obuke „Uči, misli i djelu!“ za generaciju 13.

Polaznici/e učili su o načinima na koje oni mogu učestvovati u društvu i mijenjati svoju zajednicu na bolje. Mladi koji pohađaju obuku dolaze iz različitih zajednica u Bosni i Hercegovini, pa je u fokusu bila i tema prepoznavanje problema mladih u zajednici.



"Veoma poučan modul, izbor trenera fantastičan! Nije bilo mnogo teorije, koja prema mom mišljenju manje pomaže nego sama praksa. Ovaj modul mi je za kratko vrijeme pomogao da donesem važne odluke u svom životu." - poručila je Lamija Mezit, polaznica iz Konjica.

Organizatori obuke posebno su ponosni na činjenicu da su polaznici/e našli u sebi odgovor na pitanje zašto volontiraju i zašto žele da doprinesu svojoj zajednici. Također su se upoznali za pozitivnim primjerima omladinskih inicijativa, koje su ove mlade inspirisale da i oni pokrenu inicijativu.

Kao i svaki modul, tako i ovaj organizirana je "Kafa sa...", a gošća je bila generalna sekretarka Vijeća mladih Federacije Bosne i Hercegovine, Jasmina Banjalučkić. Jasmina je govorila o svom aktivizmu u Ključu i promjenama koje je napravila sa svojim kolegama, ali i o važnosti aktivizma u njenom svakodnevnom životu.



Udruženje studenata Medicinskog fakulteta u Tuzli "Medicus"

Univerzitetska br. 1., 75 000 Tuzla

Tel: predsjednik: 00 387 (62) 944-739; sekretar: 060/3101-602;

Telfax: 035/320-600(1).

web: www.us-medicus.ba;

e-mail: medicus.tz@gmail.com; info@us-medicus.ba

Kraj pete Sedmice mozga u Tuzli



Kao i prethodne četiri godine, i ove se godine implementirao projekt obilježavanja Sedmice mozga u Tuzli pod nazivom „Tuzla Brain Week“ – TBW. Projekat se obilježava u okviru globalne sedmice mozga, ispred Studentskog vijeća Medicinskog fakulteta Tuzla „MEDICUS“ te je jedini projekat iz Bosne i Hercegovine koji je do sada svake godine dobijao podršku od strane DANA Fondacije i FENS (Federacija europskih neuroznanstvenih društava) kao originalnih začetnika ove inicijative. Ovogodišnji TBW je

implementiran od 12. – 18. marta sa generalnom temom: Mozak budućnosti.

Ove godine je projekat nezvanično krenuo ranije sa svojim aktivnostima, s obzirom da su dobne radionice odrađene u sedmici prije same Sedmice mozga. Cilj dobnih radionica je približavanje tematike neuroznanosti na prilagođen način koji će biti razumljiv za sve njegove učesnike. Ove radionice su odrađene u: JU Naše dijete – vrtić Pčelica, Osnovna škola „Tušanj“, Gimnazija „Meša Selimović“, Srednja medicinska škola Tuzla, KŠC „Sveti Franjo“ Tuzla, Prirodno-matematički fakultet i Mašinski fakultet Univerziteta u Tuzli, te JU Dom penzionera Tuzla.

Na ceremoniji otvaranja koja se održala u ponedjeljak (12.03.) je prisustvovalo preko 200 zvanica, gostiju, studenata i drugih zainteresovanih. U toku same sedmice, svi učesnici projekta su imali prilike prisustvovati na radionicama iz oblasti poput neurofiziologije, neuroradiologije, neurohirurgije, sudske medicine, endovaskularnih procedura, i sl. Na ovim radionicama su učestvovali studenti sa Univerziteta u Bosni i Hercegovini, kao i zemalja regiona. Koordinatorice ovogodišnjeg Tuzla Brain Week su studentice Asja Brkić i Ilvana Rabotić. Mentor projekta je prof.dr. Dževdet Smajlović, načelnik Klinike za neurologiju UKC Tuzla i redovni profesor Medicinskog fakulteta Tuzla.



Druge aktivnosti u okviru Sedmice mozga su uključivale održavanje sesije gdje su studenti prezentovali svoje naučno-istraživačke radove, te gdje su oni najvrijedniji bili nagrađeni za iste. U okviru „TBW kviz“ aktivnosti, svi prijavljeni učesnici su se mogli takmičiti i raditi zajedno na traženju rješenja za prezentacije različitih kliničkih slučajeva. Kao i svake godine, jedan dio aktivnosti je bio rezervisan za dijeljenje priča uspješnih mladi ljudi i njihovog puta do uspjeha. Ove godine učesnici su imali priliku slušati priče prof.dr. Nermina Salkića i dr. Semra Pajzetović, osnivačice prvog Tuzla Brain Week.

U okviru ceremonije zatvaranja, radionice je držao doc.dr.ing. Almir Badnjević sa International Burch University. Na kraju, predstavljen je sažetak svih aktivnosti koje su bile organizovane u okviru ovogodišnje Sedmice mozga u Tuzli, sa najavom narednih aktivnosti Studentskog vijeća „MEDICUS“.

**SVITAC**

OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.netWeb: www.svitac.orgFB: www.facebook.com/omladinska.svitac

Dnevne radionice

Omladinska organizacija Svitac je u martu nastavila sa svakodnevnim aktivnostima. Učesnici su podijeljeni u dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Ovaj mjesec učesnici prve grupe su pravili razne dekorativne i maštovite stvari uz pomoć lokalnih i međunarodnih volontera. Neke od tih kreacija su: označiti dijelove tijela, 3D duga, radni list sa spajanjem tačkica „Mi smo prijatelji“, piramida ishrane, slova Z i Ž, papirna riba, koju su učesnici sjekli po geometrijskim oblicima trokuta, kako bi na kraju dobili 3D model, papirne trake sa imenom, kruna sa jabukama od papira, „Ja u budućnosti“ gdje su najmlađi učesnici imali priliku nacrtati sebe i svoje buduće zanimanje. Završena je „Rainbow song“ sa makaton znakovima (britanska verzija). Ovaj mjesec smo imali i novu aktivnost za najmlađe, a to je yoga.

Od materijala na radionicama učesnici su koristili karton u boji, kolaž papir, drvene i masne bojice, makaze, ljepilo, šljokice, drvene štapiće, razne dekorativne i ukrasne papire, plastelin. Drugi dio radionice je namijenjen za relaksaciju, osvježanje, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljom je kreativno izražavanje na kojima su učesnici pravili znak sa imenom, kartice sa 3D tekstom, mustre na papiru u raznim bojama. Utorkom su učesnici vježbali engleski jezik i svakodnevnu komunikaciju, te razne igre koje poboljšavaju učenje engleskog u grupi i timski rad. Ovaj mjesec su radili na vokabularu za izražavanje emocija (sad ili happy). Srijedom su na muzičkim radionicama vježbali D-dur i učili notni sistem, četvrtkom sportske aktivnosti „Adventure Svitac epic game“ a petkom radionice njemačkog jezika. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugima i usvoje lijepo ponašanje. Koordinator radionica u februaru je bio Adin Midžić uz asistenciju lokalnih, Weltwaerts i ERASMUS+ međunarodnih volontera. Sve aktivnosti se održavaju u Omladinskom centru Brčko distrikta.

„Pričajmo njemački“ – radionice komunikacije na njemačkom jeziku sa izvornim govornicima

Radionice njemačkog jezika se održavaju dva puta u sedmici u prostorijama Omladinskog centra Brčko distrikta. Radionice se održavaju u sledećim terminima: četvrtkom - za početnike A1 nivo (16:30-17:30), za A2 level (17:30-18:30), te za B1/B2 (18:30-19:30). Radionice komunikacije na njemačkom jeziku su namijenjene svima koji žele naučiti osnove gramatike i usavršiti već postojeće znanje i steći nova iskustva i poznanstva. A1 i A2 grupe su radile na svakodnevnom vokabularu i komunikaciji, dok je napredna grupa radila na temu Uskrs/Vaskrs u Njemačkoj i BiH. Koordinator projekta su međunarodne volonterke iz Njemačke.

Radionice gitare

Učesnici ove radionice su uvježbavali etide F.Sora, M.Carcassija, Rolanda Dyensa, Thierry Tisseranda, E.Tarrege, nekoliko pop pjesama po vlastitom izboru („When You Say Nothing At All“, „Little Things“ „I

Dont Want To Live Forever“), melodiju napolitanske pjesme „Santa Lucija“, dvanaestotaktni blues koristeći be-bop, miksolidijsku i umanjenu skalu kao sredstvo improvizacije.

Radionice sambe

Grupa je počela raditi na novoj kompoziciji radnog naslova „Perodactyl“. Nastavljen je rad sa električnom i bas gitarom te je na radionicama razrađen uvod, tema i jedan prelaz. Takođe je nastavljeno uvježbavanje kompozicije iz prethodnog mjeseca („Beyonde“). Za naredni mjesec planiran je rad na još jednom prelazu i spajanju ove dvije kompozicije.

“Zero Discrimination day” (01. 03.)



takvo djelo.

Omladinska organizacija Svitac je organizovala radionice čiji je cilj bio da se promoviše važnost svjetskog dana protiv Diskriminacije, te važnost poštovanja ravnopravnosti različitosti kultura. Mlađi učesnici su imali priliku da prave jato pingvina raznih veličina i boja - pomoću jata koje su napravili objašnjeno im je šta je to diskriminacija, naučili su preko pingvina da nije važno odakle je tko ili kako izgleda, moramo se sa poštovanjem prema njemu ophoditi.

Starija grupa je imala diskusiju na temu šta je to Diskriminacija i koliko je prisutna među njihovim vršnjacima, da li su oni ikada bili žrtve diskriminacije i šta bi uradili da primijete

Global Money Week – Globalna sedmica novca

Omladinska organizacija Svitac je 09.03. 2018. podržala aktivnost „Global Money Week – Globalna sedmica novca“ Asocijacije srednjoškolaca u Bosni i Hercegovini (ASuBiH), koja je nevladina, nestranačka, nepolitička i neprofitna organizacija koja okuplja preko 1200 srednjoškolaca u 62 lokalne zajednice širom Bosne i Hercegovine.

„Global Money Week – Globalna sedmica novca“ je projekat pokrenut na inicijativu CYFI (Child and Youth Finance Initiative) sa ciljem inspiriranja djece i mladih ljudi da se informiraju o novcu, izdržavanju i poduzetništvu. Ovaj projekat je nastao 2012. godine kao Child Finance Day te je otad utjecao na živote 7.8 miliona djece i mladih ljudi kroz 23700 organizacije u čak 137 država. Asocijacija srednjoškolaca je dio njihove kampanje još od 2015-te. Kako je ove godine projekat obilježen u vidu natjecanja u fundraising-u/prikupljanju novčanih sredstava između lokalnih timova, članovi



AsuBiH su održali dvije radionice „Face painting-a“ sa učesnicima 4-7 godina i 8+. Roditelji učesnika, koji su željeli podržati ovu akciju, imali su priliku donirati 1,00KM. Sav novac koji je prikupljen, ide u Fond Lokalnog tima Brčko, koji će se koristiti za daljnje potrebne aktivnosti. Aktivnosti su održane u Omladinskom centru Brčko distrikta.

Pored Face painting-a, održane su razne igre takmičarskog duha, te diskusija na temu novac, odnos prema novcu i koliko je štednja važna.

MEĐUNARODNI DAN BORBE PROTIV RASIZMA

Povodom obilježavanja Međunarodnog dana borbe protiv rasizma Omladinska organizacija Svitač je u periodu od 19.03. do 23.03. organizovala niz edukativnih i kreativnih radionica, metodički prilagođenih uzrastu, na kojima su učestvovala tri ciljne grupe učesnika. Cilj radionica je bio promovisanje važnosti značenja ovog dana, tolerancije, ravnopravnosti, mira, te rješavanja konflikta prouzrokovanih diskriminacijom i segregacijom. Na radionicama su prisustvovali učesnici uzrasta 4-7, 8+ i 16+.



Mlađi učesnici uzrasta 4-7- su imali priliku tokom sedmice raditi različite edukativno – kreativne aktivnosti, prilagođene njihovom uzrastu, gdje se tema rasizam i diskriminacija uočavala kroz aktuelan rad i rješavanje zadataka. Neke od aktivnosti su bile prepoznavanje istih ili sličnih objekata npr. olovaka ili cvijeća, makarona koje, iako različitih boja, oblika i veličina, ipak pripadaju jednoj vrsti. Grupa uzrasta 8+ je takođe radila edukativno–kreativne aktivnosti na temu antirasizam, diskriminacija, te su imali priliku odgovarati na pitanja i učestvovati u diskusiji, kako se osjećaju kada vide da neko ugrožava njihove drugare i kako bi se ponašali u datoj situaciji.

Aktivnost “ Filmsko veče “ za uzrast 16+ je održana 23.03. Nakon projekcije filma „American history X“, je održana diskusija. Na ovoj radionici su učestvovali i učenici iz Gornjeg Vakufa – Uskoplja, u čijoj školi nažalost postoji fenomen „Dvije škole pod jednim krovom“, tako da je diskusija bila veoma zanimljiva i intenzivna. Sve aktivnosti su održane u Omladinskom centru

Brčko distrikt.

Za april se planira nastavak svih redovnih radionica Omladinske organizacije Svitač.





Regionalno udruženje distrofičara Dobož

Svetog Save bb, 74000 Dobož

Tel: 053 221 630

e-mail: nadastuhli@gmail.com

Udruženje distrofičara Dobož je dobrovoljna, društveno-humanitarna organizacija koja okuplja lica oboljela od distrofije i srodnih neuro-mišićnih oboljenja i otvoreno je za sve građane koji podržavaju misiju i viziju Udruženja. Pokriva opštine: Dobož, Petrovo, Modriča, Derвента, B.Brod, Šamac, Stanari i Vukosavlje. Udruženje je registrovano početkom 1995 godine.

Misija Udruženja

Izjednačavanje statusa osoba oboljelih od distrofije i srodnih neuro-mišićnih oboljenja sa ostalim građanima i njihova integracija u zajednicu. Pružanje konkretne pomoći članovima u ostvarivanju njihovih prava, poboljšanju ekonomskog, socijalnog i društvenog statusa.

Vizija Udruženja

Živjeti samostalno i ravnopravno u zajednici.

Smanjenje socijalne isključenosti kroz zapošljavanje lica sa invaliditetom



Regionalno udruženje distrofičara Dobož je realizovalo projekat „Smanjenje socijalne isključenosti kroz zapošljavanje lica sa invaliditetom „... Realizacijom pomenutog projekta nabavljena je nova color kupa mašina u cilju unaprjeđenja tehničkih kapaciteta štamparije DMP – štamparije udruženja distrofičara –preduzeća za zapošljavanje lica sa invaliditetom. Nabavka nove opreme je neophodna za održivost procesa rada i stvaranja uslova za pružanje kvalitetnih i brzih usluga i za održavanje

konkurentnosti na otvorenom tržištu.

Podrška preduzeću za zapošljavanje lica sa invaliditetom je značajna za održivost zaposlenosti unutar štamparije i za zapošljavanje novih lica sa invaliditetom i na taj način se promoviše socijalno preduzetništvo u zajednici i stvaraju uslovi za ravnopravno društvo, društvo jednakih mogućnosti za sve. Lica sa invaliditetom kroz zaposlenje ostvaruju ekonomsku nezavisnost i samostalnost te postaju ravnopravni članovi svoje zajednice.

Projekat je podržan od CDP „Globus“ u okviru Fonda za razvoj socijalnog preduzetništva „Uvećajmo dobro“, čiji je donator Ambasada Kraljevine Holandije u Bosni i Hercegovini.



Projekat
**Podsticanje
socijalnog
preduzetništva u BiH**

Podržan od
**Ambasade Kraljevine
Holandije u BiH**



Kingdom of the Netherlands



Asocijacija srednjoškolaca u Bosni i Hercegovini

Ul. Mula Mustafe Bašeskije 7, 71000 Sarajevo

Tel/fax: +387 33 205 850

E-mail: asubih@yahoo.com

Web: www.asubih.ba

Mjesec mart je bio u znaku razvoja naših lokalnih timova. Naime, tokom mjeseca marta održale su se tri regionalne edukacije, na kojima je učešće uzeo po jedan predstavnik svakog lokalnog tima. Edukacije su održane u Tuzli, Mostaru i Bihaću. Cilj edukacije je sticanje vještina za koordinatore ili članove lokalnih timova Asocijacije srednjoškolaca u Bosni i Hercegovini, kako bi učesnici edukacije stečeno znanje, usavršene i nove vještine prenijeli članovima lokalnog tima svojih lokalnih zajednica, u cilju što produktivnijeg daljnijeg rada lokalnih timova.

U periodu 3.- 4. mart član Upravnog odbora Din Ferizović i alumni član Asocijacije srednjoškolaca u Bosni i Hercegovini Faruk Topuz su održali seminar članovima lokalnog tima Tomislavgrad. Kroz radionice su razgovarali o vrijednostima naše organizacije, važnosti timskog rada, a sve u svrhu produktivnijeg funkcionisanja tima.

U periodu od 3. do 9. marta, Ismar Begtašević, član lokalnog tima Sarajevo, predstavljao je Asocijaciju srednjoškolaca u BiH na ESSC-u u Poljskoj! ESSC (European School Student Cooperation) je trening koji je organizovao OBESSU uz pomoć Visegrad fondacije.

Trening se održao u Gdanjsku, gradu u sjevernom dijelu Poljske. Aktivnosti treninga su bile igre, debate i radionice uz pomoć kojih su učili o različitim edukacionim sistemima i njihovim manama. Učestvovali su srednjoškolci iz čitave Europe, od Kosova do Irske. Održana je konferencija sa gradonačelnikom i nakon toga, zajedno sa srednjoškolcima iz Gdanjska, realizovane su radionice o tome kakvi lideri i članovi organizacija trebaju biti, kako bi trebala izgledati savršena srednjoškolska unija te kako ona može utjecati na grad, državu i EU.



17. i 18. marta član lokalnog tima Bosanski Šamac, Stevan Josipović predstavljao je ASuBiH na Generalnoj skupštini UNSS-a u Beogradu! UNSS- Unija srednjoškolaca Srbije je organizacija čija je vizija i misija stvoriti školu u kojoj će učenici/ce biti ravnopravni akteri i oni koji odlučuju, a ne pasivni primaoci znanja.

Oni smatraju da je neophodno omogućiti svim učenicima/cama pravo, prostor, priliku, podsticaj i podršku da razviju svoje ideje i ispolje svoje kreativne potencijale.

Od 12. do 18. marta u Bosni i Hercegovini, ali i u svijetu se obilježavao Global Money Week. Global Money Week je projekat pokrenut na inicijativu organizacije CYFI (Child and Youth Finance Initiative) sa ciljem da inspiriše djecu i mlade ljude da se informišu o novcu, izdržavanju i poduzetništvu.

Asocijacija srednjoškolaca u Bosni i Hercegovini je dio njihove kampanje još od 2015. Do sada su to bile određene radionice sa bankama na temu štednje novca, a ove godine smo odlučili malo drugačije obilježiti tu sedmicu. Naime, ove godine smo održali takmičenje u fundraisingu između lokalnih timova. Svaki lokalni tim je imao zadatak da smisli određene aktivnosti pomoću kojih mogu skupiti što više novca a da zauzvrat urade nešto društveno korisno.



Učestvovao je ukupno 21 lokalni tim kroz 38 aktivnosti u kojima je učestvovalo 295 srednjoškolaca. Ukupno je skupljeno 2.052,9 KM. Pobjednik ovogodišnjeg fundraising takmičenja je lokalni tim Šamac,

koji je sa svoje 2 aktivnosti skupio 435 KM, dok je lokalni tim Brčko tim koji je sproveo najviše aktivnosti.



U periodu 23.3.-26.3. održana je prva razmjena u sklopu projekta „Prijatelji bez granica“. Srednjoškolci iz Brčkog su imali priliku ugostiti svoje vršnjake iz Gornjeg Vakufa-Uskoplja. U sklopu razmjene održane su radionice na temu segregacije u obrazovanju, srednjoškolci su zajedno tražili potencijalna rješenja. U okviru razmjene, u subotu 24.3. održana je panel diskusija na istu temu s ciljem da srednjoškolci dobiju

odgovor na mnoga pitanja od predstavnika vlasti. Također održana je i ulična akcija na kojoj su srednjoškolci prolaznicima pripremili zakusku koja je sačinjena od krušaka i jabuka i na taj način simbolično poslali poruku javnosti da to dvoje ipak može zajedno.

INFORMACIJE / DONATORI / POZIVI

Mreža za izgradnju mira izdala novi direktorij donatora

Drage kolegice i kolege,

Veliko je zadovoljstvo sa vama podijeliti novi izdanje Direktorija donatora Mreže za izgradnju mira u kome se nalazi 630 donatora i poziva za projekte.

Ovo je bio ogroman posao, sa zadnjeg izdanja je skinuto 40 donatora, a dodano je novih 86, no isto tako ovo je zadovoljstvo i obaveza, te neka vrsta zahvalnice svim članicama Mreže za izgradnju mira (najboljim organizacijama u BiH), ali svima vama, aktivistima i aktivistkinjama koji radite sjajan posao na izgradnji boljeg društva, pravednog društva, društva uza sve nas bez obzira na naciju, vjeru, seksualno opredjeljenje, pa i boju kože.

Direktorij donatora možete pronaći na linku <http://www.mreza-mira.net/vijesti/pozivi-za-projekte/mreza-za-izgradnju-mira-objavila-novi-direktorij-donatora/>

Hvala vam na podršci i praćenju, uključite se, dođite, gradimo mir i društvo koje poštuje ljudska prava, budite dio Mreže za izgradnju mira.

Srdačni mlrovnj pozdravi,
Goran Bubalo

GEF Program malih grantova: Otvoren poziv za projektne prijedloge za NVO i OCD

Rok prijave: 30. juni 2018

Program malih grantova (Small grants program- SGP) Globalnog okolišnog postrojenja (Global Environment Facility- GEF) poziva nevladine organizacije i organizacije civilnog društva da pošalju projektne prijedloge:

- interesne oblasti programa:
 - o očuvanje zemaljskog pejzaža na nivou zajednice;
 - o pametna i klimatski povoljna inovativna agroekološka rješenja;
 - o popratne koristi pristupa niskougledničnom energetsom sistemu;
 - o lokalne i globalne koalicije upravljanja hemikalijama
 - o platforme za politički i planski dijalog između organizacija civilnog društva i Vlade
 - o promovisanje društvene inkluzije:
 - ☐ jednoobraznost roda
 - ☐ uključenje mladih ljudi na polju razvoja kapaciteta

Program malih grantova (SGP) Globalnog okolišnog postrojenja (GEF) nudi subvencije nevladinim organizacijama i organizacijama zajednice (NVO/ OCD) zemljama u razvoju da im omogući savladavanje globalnih okolišnih izazova apostrofirajući potrebe održivog razvoja. Geslo Programa malih grantova je „akcija u lokalnoj zajednici sa globalnim utjecajem!“

Ciljevi

Navedeni posebni ciljevi mogu biti istaknuti:

- podići svijet i razumijevanje o GEF-ovom Programu malih grantova, strategiju i rezultate iste
- razmjena iskustva između NVO/ OCD koje rade na adresiranju globalnih okolišnih problema da olakšaju razmjenu iskustva i ponavljanje primjera najbolje prakse;

- promocija i jačanje partnerstva između sudionika i NVO/ OCD, međunarodnih finansirajućih organizacija, državne i lokalne javne vlasti, poslovne zajednice i lokalne zajednice

Informacije o grantu

SGP grant ne smije da prelazi iznos od 50.000 američkih dolara

Kriterij prihvatljivosti

Samo lokalne neprofitne organizacije mogu da se prijave.

Kako se prijaviti

Projektni prijedlozi se trebaju poslati u elektronskoj formi na prikazanu adresu na web stranici.

Za više informacija, molimo posjetite GEF Small Grants Program.

Izvor: <https://www2.fundsforngos.org/environment-conservation-climate-change-and-ecology/gef-small-grants-program-seeking-project-proposals-from-ngos-and-csos/>

Javni poziv za podršku poslovnim idejama

U okviru EU projekta raspisan Javni poziv za podršku poslovnim idejama kroz poslovni inkubator „BeeZone“ Centra za edukaciju mladih Travnik

U okviru projekta „TRIK za nove mogućnosti u zapošljavanju i poduzetništvu“ raspisan je Javni poziv za apliciranje za mjesto u Inkubatoru Centra za edukaciju mladih u Travniku „Bee Zone“. Projekt se implementira u okviru krovnog projekta „Podrška lokalnim partnerstvima za zapošljavanje u Bosni i Hercegovini“, kojeg financira EU, a provodi Međunarodna organizacija rada (ILO).

Poslovni Inkubator je odjel Centra za edukaciju mladih u Travniku koji pomaže mladim poduzetnicima u razvijanju poslovnih ideja i stvaranju novih poslova.

Preduzećima u inkubatoru „Bee Zone“ nudimo:

- pozitivno poduzetničko okruženje;
- stručnu podršku u jačanju preduzetničkih vještina;
- stručnu podršku u razvoju poslovnog modela;
- mentorsku podršku u razradi i finalizaciji poslovnog plana;
- podršku u javnom prezentiranju i prezentiranju ideje investitorima;
- finansijsku podršku u izradi prototipa proizvoda i/ili usluge;
- finansijsku investiciju i dugoročno mentorstvo, zavisno od pokazatelja biznis plana i ocjene stručne komisije.

Inovativne ideje koje imaju potencijal rasta i stvaranja novih radnih mjesta moći će koristiti bespovratna start up sredstva u vrijednosti do 10.000 KM po jednom aplikantu.

Na poziv mogu aplicirati osobe od 18-35 godina iz Bosne i Hercegovine i inostranstva, koje imaju inovativne ideje bazirane na znanju i žele pokrenuti vlastiti posao.

Vodeći partner u projektu je Regionalna razvojna agencija za regiju Centralna BiH – REZ, a partneri su: Općina Travnik, Centar za edukaciju mladih – CEM, Sveučilište/Univerzitet “Vitez” u Travniku, Služba za zapošljavanje SBK/KSB, GS tmt d.o.o. Travnik i NOBIL d.o.o. Nova Bila.

JAVNI POZIV i APLIKACIJSKI OBRAZAC u cjelosti možete preuzeti na www.rez.ba ili www.cem.ba

Peace First mini-grantovi za mirovne projekte

Peace First je neprofitna organizacija sa sjedištem u Bostonu – Massachusetts, SAD. Posvećeni smo podršci mladim ljudima kako bismo napravili pozitivnu razliku u svojim zajednicama kroz pristup utemeljen na saosjećanju, hrabrosti i saradničkom vodstvu. Pokušavamo doprijeti do mladih ljudi koji su teško dostupni i podržati ih pretvarajući njihove ideje u projekte pomirenja! Prihvatamo i podržavamo projekte tokom čitave godine.

Trenutno pružamo podršku mladima u dobi od 13 do 24 godine, pomažući im da razviju i provode rješenja za goruće problema u njihovim zajednicama.

Koje aktivnosti se finansiraju:

- mini grant od 250 dolara;
- digitalna mentorska podrška stručnjaka za vrijeme implementacije projekta;
- jedinstvena oruđa i resursi za izgradnju mira;
- podržavanje priča koje će biti podijeljene sa čitavim svijetom;
- pristup globalnoj zajednici mladih mirotvoraca;
- u kasnijoj fazi mogućnost podnošenja aplikacija za veće grantove;
- mogućnost podnošenja aplikacija za Accelerator Conference, gdje možete sarađivati sa drugim mladim ljudima i dobiti dodatnu podršku i sredstva kako biste izgradili svoje ideje

Veličina donacije:

Grantovi su u iznosu od 250 dolara.

Rok za prijave:

Prijava je moguća tokom čitave godine.

Geografsko područje podrške:

Osobe iz čitavog svijeta se mogu prijaviti.

Kriteriji podobnosti:

- aplicirati mogu mladi ljudi iz čitavog svijeta;
- aplikanti moraju biti u dobi od 13 do 24 godine;
- aplikanti moraju imati problem ili vidjeti nepravdu koju žele riješiti u svojim zajednicama

Kako aplicirati:

Aplikacija je moguća putem sljedećeg [linka](#).

Kontakt:

Peace First
25 Kingston St, 6th Floor
Boston MA 02111

Tel: +1 617 261 3833

Web stranica: <https://www.peacefirst.org/>



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar
Tuzla**

**Hadži Bakirbega Tuzlića 1
75000 Tuzla**

tel/fax: 035 258 077

e-mail: orctuzla@bih.net.ba

hcatuzla@bih.net.ba

*Mjesečni bilten uređuje
Omladinski resursni centar -
ORC Tuzla*

*Bilten uređuje: **Amila Selimbašić***

*Prevod Biltena na engleski: **Emir Karamujić***

*WEB stranica Mreže:
www.omladina-bih.net*

*Mejling lista Mreže:
posta@omladina-bih.net*

*Webmaster:
emir.delalic@gmail.com*